

曾祖妣王祖妣陈合传

我曾祖妣王老孺人系出沙溪牌楼前王姓望族也上溯来嫔生我伊公一人不幸曾祖毓公即世妣年二十有六伊公尚三月孩提痛夫抚孤料理丧祭毓公所葬牛栏冲佳城皆妣自为主张时家甚艰窘仅田四桶赖妣善操持勤纺绩得以渐裕妣寿六十四毓公歿后独操家政三十餘年及乎桑暮创业至数百亩谷貽之厚厥恩最深又克训以义方不独督我伊公有成兼能抚孤侄以督成而青年守节玉洁冰清族党里闾群相钦敬递我祖妣陈老孺人复克嗣我尚曾祖妣之徽音生我薰父兄弟共六人祖考伊公亦早世祖妣年四十有六能以母道而兼父道明大义伟然有丈夫风家既丰饶乐施与而不稍吝然勤劳犹是晚年纺织以其资独力建桥梓里双江口惠济行人故邻里乡党咸称为女中君子妣寿七十有三继姑操家政三十有八载比时田园增置千数百亩共称巨家是孙等得以衣租食税而有今日者皆我曾祖妣及祖妣积德累功之所致也孙等未敢没其立家之由特缕而述之以上原传同治六年大府檄浏续修邑乘采访使搜罗节义以阐幽光我王氏祖妣符例得

旌於朝入祀邑节孝祠镌名总坊我陈氏祖妣好义建桥事实均采入邑乘於戏息之深者

达之储积之厚者流自光兹届家乘续成后裔等薰沐而敬补焉

曾孙尚德敬撰

深源公传

我祖深源讳崇渊兄弟六人 公仲氏也公父早世当弃养时吉公年十七昆季中惟公与伯兄稍长母陈大孺人懿德夙著义方训子有大丈夫风 公出入庭帟奉命惟谨凡事不敢自专须禀命以行盖其孝也继而伯兄亦早逝是 公上承母志不率诸弟门内懍如姑 公善虑事无巨细悉中程度其持家以勤俭为本雍睦一堂待诸弟无诟谇声故虽督以勤励以俭诸弟亦悉谅其心而惟命是听其友爱之心盖自然也公为人公正而廉明居乡里乐行方便周人急成人美无吝色亦无德色遇里党纷难尤悉力排解之其感 公言而涣然释者比比皆是也亦公之开诚布公有以动之也故远近知 公者靡不交口推誉其素行之著於乡里者有至性也 公好读书六艺咸通每几务稍暇持卷帙手不停披至夜毫无倦色晚年尤精风水先人墓地凡吉者 公戒以毋迁家政四十年虽席先世富饶而增置恢廓皆由公之克勤克俭所致以视仅守成者远矣且建屋三所凡度基审向飭工庀材不辞劳瘁诗曰诒厥孙谋以燕翼子我 祖有焉培未及亲聆祖训目睹懿行 公生平持身涉世之大端父常称述以策励培等者耳熟焉故能详也今值三修家乘谨质直叙之以为后辈之楷模云

孙高培等沐手敬撰

基恒公传

我 祖考基恒公为人浑朴率真至性诚笃同怀昆季六 祖考行三年十四失怙上承我 高祖妣王
曾祖妣陈两代勤操家政创置田园履厚席丰躬逢其盛嗣伯叔祖父先后弃世 惟 祖考春秋高享寿
七旬有五后诸昆季歿相距二十餘年故族事为我 祖考经营者亦多初我族自 锡公立业至我 祖考甫
四传人丁虽渐繁盛而祠宇谱牒尚在有待道光庚寅祖考年七十与子侄辈商建宗祠於柞树坪敬宗收
族事始於此越三载壬辰主修家乘命长子尚德为编次迄今谱牒自序犹弁之简端祖考生我父兄弟五
人四叔尚质 祖考早命为六叔祖崇翼公后道光乙未我父兄弟析箸故产业仅均分为四核各所行之数
与祖考昔年得之 曾祖者同盖我 祖考手自增置较上承之业数倍於兹夫人所难忘者先世之遗泽所
当述者祖宗之懿行孙生也晚距 祖考歿时已七载弱冠又奉父讳诸伯叔父均先我父而逝凡 祖考嘉
言善行未得详闻於庭训不敢据传言为实录恐举一漏万转惭不敬第稽旧谱所载揭而出之以模样后
人兼阅我 祖妣何老孺人赞语勤俭庄敬想见我 祖考妣当年令范宗族交称后嗣蕃昌实流泽孔长云

孙高课沐手敬撰

辅堂公传

辅堂弼叔吾家学业师也赋性聪明颖悟超群敏而好学蜚声泮林吾兄弟辈得力於 叔者居半而吾与衡弟更追随日久焉 叔於清明祀独捐银一百两馀皆铢锱所积不逮 叔之万一有挂扫引一篇系 叔手所作特刊於前 叔於天伦之际怡怡不懈其筹虑最周是 叔之上为祖宗中为昆季下为子侄已於其一 二事而可以得其概矣侄承 叔训最多负 叔望不浅故不觉追维往昔为之文以传焉

侄尚德敬撰

省吾公传

夫前哲之衣冠云遥访名山者景仰生平往往之所寄而十二端手泽流传足永其志气精神品学亦因之愈彰遐哉岳曾祖省吾公殆其人乎公天姿夙慧博览群书年三十举茂才有声庠序屡困棘闱膺鸚荐不获售尝斋居一室吟咏自如饶於丹铅几席间有乐此不疲之趣外与人交躁释矜平藹然儒者气象几乡

里戚朋及族中诸子侄辈频相往来或出文艺见质辄引绳削墨指昼精详俾来问者各得其益以去然后已盖其忠厚待人天性然也且 公之才与识则尤有过人远者曩侍厥 考基恒公数慷慨急义举其为邑中募助孔庙捐资也 基恒公承其任既乐输其金 公职其劳复广集其费其为族中创建宗祠也 基恒公倡其修 公董其役营其制益矢其勤迄祠 成而尊祖敬宗收族之事缘之而起自群昭群穆馨缀食外尤以修明谱系为兢兢顾代远年湮典籍散忘久矣 公瞿然曰文吾犹人无徵不信非所以扬先烈展孝思也乃袖墨袋走吴江戴月披星敬访世泽渊源偶得其端绪以归旋经笔削润色成编玉叶金枝灿然美备见者咸稍快一时而 公固让善於亲不自居也夫情之深者文以明经之正者民不慝咸丰壬子粤逆播氛煽诱匪徒败俗伤风之尤莫此为甚公深怯焉越期年凶浪既平重检宗谱续而修之时 公年已七十矣皤皤黄发端本善则蹈德咏仁乡人士之观型於是乎在吁 公自少而壮而老其卓然自立者盖如此夫岂雕虫小技者流所能望其项背哉录生也晚每以不及见 公为憾今贵族中适有三修乘书之举外舅玉成公年八秩犹念昔殷殷 录为辞以述公之行而登之竹素窃私喜於闻命而不敢辞也数行潦草报 公千秋虽寸莛撞钟恍惚先正典型隔旷世而神交如遇是则不幸中之一幸也夫

清岁贡生候选训导

曾孙婿刘廷录顿首拜识

清溪公传

祖考清溪公享寿七十有一终于咸丰戊午正月孙年甫十二第见其状貌魁梧居处庄敬寡言语尚朴质而立身制行未知也稍长事祖慈闈问安询及祖考祖慈日汝时幼汝固未知汝祖考也汝祖考幼读甚聪慧工文善书年十六失怙遂去塾奉母服阕之明年吾来归犹思理故业以扬名而显亲旋因析箸未遂所愿其事亲也出入必告亲食而后食汝叔祖少汝祖考九岁当偕之怡怡如同承菽水自吾初见以至亲歿未尝有懈心而或不如是与人相接以厚不以薄亲朋款洽犹是恒情贫乏所需见必资助家常出纳每戒以毋占便宜道光甲午置南埠岭业为析居计以重值购或谓何须此汝祖考日吾岂不知稍靳之亦可得念弃业者不得已满其意使无憾吾亦得所便何吝为初持家时年尚少有以横逆干者不与校又遂之其人愧且感终其身未与人角一非讼一事乡里族党咸称为厚德长者尝与人排解不以辨专以情

他人所不能解者辄解之以平昔之见信故能感也而调停族事为尤多每见父老遇有疑难频来就质此汝祖考之生平吾举其所目见者而告之汝年渐长将有承家之日能以汝祖考为法则持身涉世不少宽暇亦克家绳武吾所厚望也敬听慈命伏思我祖考尽孝友之诚极仁厚之则心德既全身范克著足以楷模当世足以垂裕后昆书日有典有则貽厥子孙我祖考有焉兹逢三修家乘续表前代懿行族相交推以为矜式孙幸早得面命於重闱谨述之而传

孙贤政沐手敬撰

时公传

惟我祖考时公逝矣四十七年其孙鸣今克传其事祖考生鸣父兄弟三长峰公次泮公三翰公鸣本翰

公側室子也自幼至於成人歲月遠隔未睹 祖容先大人常告之日汝祖少孤惟汝六叔曾祖母是依叔曾祖母常指予而言日汝父生四歲母見背行年十六丁父忧欲孑立孤苦丁零当斯时也近亲悲悼邻里伤情弱不好弄长实素心悦刘公名降夫子之道因受学於门诸学者未能先之也 泣而志之不敢忘承欢膝下汝祖行为可法者略举数端其天性也聪悲明哲孝友温恭仁笃慈专其待人也器量宏深姿度广大浩焉汪汪焉其不可测已至若砥节厉行直道正辞人望而敬之於乡党则恂恂焉修修焉善诱善导仁而爱人其治家也克勤克俭踰越险阻即置业甘棠冲雪夜归家河水寒凝膝行而渡桥吁汝祖之心力殆尽矣汝祖累家事数十年险阻艰难备尝之矣汝辈不耕而食者皆祖积累所赐也鸣承先人庭训知之最悉临传涕泣岁在甲辰夏四月朔

孙鸣谨传

允升公传

公讳尚猷字允升浏阳杨氏世居邑南碧溪里为人朴质不喜浮华待人公而恕而明理达务见义尤勇於为浑厚精明二者兼之性慷慨乐善无所倦有里人某贷於公感泣以谢而公初不自以为德也乡里有

违言构衅者得公言立即解散盖德望之孚有如此者 公之持家也崇俭习勤颇有乃父风守父遗业经纪而恢廓之置产五十有馀硕今岩内屋嘉庆末年 公督建也世尝谓创业难守成亦不易公以守成而兼创业其光前裕后为何如也公之状貌魁梧奇伟精力过人至老犹称健者年六十有七无疾而终观述外叔祖杨公楚材公之哲嗣怯 公德之久而湮没也述其素行命为 公立传爰不揣固陋因其行状节次之无饰辞焉

赞曰茫茫世宙竞尚浮华 公独黜之礼以齐家精明匪刻忠厚菲愚持身涉世壹道与俱为善最乐与物皆春光风霁月古道照人可以训俗可以型方薰其德者靡不善良见义必为是谓有勇非种用锄奸谋胡逞福田培植广而益宽垂裕后昆蒙业以安凡家之兴视其所由改勤与俭力争上游富而好礼何玷家声君子有谷清白同盟

清邑庠生曾外孙彭观述顿首拜撰

尚宾公传

公讳尚宾字光国浏阳杨氏为人朴诚而精敏处乡里油油然与物无忤然人有争讼辄苦口排解不少宽假乡之人以是德之 公父兄弟六人虽析居异财而田宅契券相承人 公手公平日能取信於人人亦帖然无过问者之将歿也悉捡给其家各自收讫若自知其将归真也盖其行事磊落而光明大率类此同治四年 公之曾祖秉懿公议建家祠凡相地卜吉筹费一切众论龃齟莫衷一是公不避劳怨力排群说以底於成当是时非 公力任之事几寝矣粤寇之乱边境有警众情惶怯不知所为 公举办团谏乡里赖以无恐由是而宗族乡党无间言而 公益深藏若虚恂恂然如有所行而弗及焉者也生平喜饮酒而有节不及於乱尤嗜奕其注局凝神终日无倦色晚岁精力不衰起居饮食一如壮时卒年八十有三世鹤外舅湘平公实 公之孙也述其遗事命为其家传

赞曰士之修於家而献於廷者为国家化民成俗固其职分之所应尔然教化之行岂惟人官者是赖一乡有善士为里党所推重即足以善其一乡之俗由是而推焉天下者一乡之所积也苟咸有其人焉薰陶而化成之治平之基在是矣虽然乡人士如公者又岂多见也哉

清壬午举人国子监典簿銜特授靖州直棣州学正

曾孙婿刘世鹤顿首拜撰

昌荫公传

有隐君子曰杨君讳高柏字昌荫号新甫淮川碧溪人也 君之行义修於家信於乡里天姿颖异好学深

思惟不慕仕进弱冠即究心天文地理河洛医学诸书客有以举业劝者 君曰士生於世家修廷献固其
职也吾性不属客又问曰天文地理易精其业乎曰学以穷理惟学然后知不足吾勤吾学期有进也非敢
谓易精每读书或自暮达旦自朝至昃未尝有倦容一切灾祥祸福之说从不出诸口尝戒农豫避水时辄
念人怪之以为请曰天灾流行有备无患理之常也吾戒之使知备灾偶值故获其益何怪焉好游山水见
人家有水蚊侵者不惮跋涉造其家而告之发之果然人遂争求相吉悉屏去日地学精深谁能洞澈偶有
所知必以告可也若概为卜焉知而未真自误以误人吾不敢也有就医者无分贫富悉却谢贖诊视不惮
再三全活者众夫人生天地达而在上以其所学立为事功人所易知而隐居蓬庐一室吟啸学造精深量
宏胞与非有特识几何不以众人目之也今观 杨君不慕仕进究心天文地理志意已高人一著不语灾祥
祸福深得圣人微旨有知必告仁术济人不矜不取心德之全有自然而无勉强以视乡党自好言施与尚
解推者则又进矣 君之继配为余族姊妹行识 君久知君悉慕其人乐表其行闻族姊以纺织贖

立惜字费是又非寻常妇女行所能见及者想皆由君化之赞曰惟皇降衷厥有恒性日聪日明与生俱定
緬我 杨君不慕宠荣是聪之徵好穷至理即明之验术可济世聪而兼仁知必告人明而有义却其谢贖

是谓好礼不敢误人称之为智具此四端心德既备为隐君子夫复何愧

清岁进士选用训导

愚内弟谭显邦顿首拜撰

翰公传

士君子生当乱世不出而涤畅丑类进据乱於升平为天下造福区区自治其家因而推瞻其族间乡党论者或小之夫小之者之仰望士君子之意非不至深且远然其见识已先自小矣盖国者家所积而成也家政者又国政之基础也昔范文正为秀才时即以天下为己任其度量之超越恒流为何如哉於是士君子可知所措手矣余篆浏数载案牍偶暇即访察都人士之贤能者以为训俗型方之助期相与进化於无穷如愿以偿者亦正不少而其间足以倡仁让之风而敦任恤之谊者则莫如杨公辅卿之好善乐施尤为未

俗所不易覲夫 杨公性谦逊而品端方为乡闾所推重家赀不过中人之产自奉又极俭约济人急憫人之难则解囊相助而不吝其最著者襄捐寺庄冲田租五硕为承贤公立继使既绝之后忽焉而续为大宗甘可谓善矣然犹谓其笃本支之亲也至将莲花谢山场捐作众姓义山则畛域消而泽更广矣况於储平仓育婴局捐置产巨赀以襄义举身受其惠者今犹称述不衰此岂沾沾自了者所能为乎斯人也使得斧柯以假之造福苍生当未可量云

清诰授奉政大夫

钦加运同銜特授湖南桂阳直棣州知州

前任浏阳知县黎 墉撰

松龄公传

公讳高茂字松龄号柏亭浏南碧溪里人也幼纯笃有至性弱冠 公母甘大安人卒哀毁如礼 公父禹田公晚遭痹痿疾支体不仁数载 公侍汤药谨历始终无倦色世以此多公弟一友爱弥笃意不忍以琐屑事累之故家政皆 公独理而 公亦明决富精神家日起性慷慨喜宾客客至辄投其辖不听出雅善对客饮

期必醉洗爵治具应接如环时盖比之孔公废读早然於书好浏览通奥义课北海云子弟读殷甚尊师必致礼貌馆其家者无不津道公贤又精敏通晓曲艺工书法绰约饶风致人争持尺幅求公书治水火科精遂密虽焦烂投以药立愈远近耳其名多求之函贻谢不受日吾特用此游戏耳岂卖菜庸而索值哉

居尝慕鲁仲连高义为人排患难解纷纠甚力里人争水利讼连年未公对簿公堂得直事遂定至今农人利赖之咸同间奉邑侯谕督办团谏廉正人无敢干以私挟奸剔数亡赖子初股栗然 公实坦易无故作威福心久又僉称公 长者公於义举肯勇为同治五年族立大高祖秉懿公寝庙后建义祠俱赞襄底

於成更以修家乘为念尝慨然日谱不可三十年不修及吾身庶竟厥功也志未酬卒年四十有八卒后

公冢君以成兄以侯选州同赠 公儒林郎礼也族议重修家乘 公仲君子耘兄间关行千餘里特奔永州江华小墟考其支派承 公志也越今岁谱告成仲君欲纪 公事载简端而属笔於晋晋幼时与仲君游先君子门下相友善又间侍 公杖履察 公言动熟故为道其梗概云

赞日吾闻老氏云修之於身其德乃真修之於家其德乃馀修之於乡其德乃长士君子未能致身通显能修是是亦足矣若 公事亲孝处丑谐澹兮泊兮浑浑如婴儿之未孩而乘方不忒临义罔惑又似范史所称独行者固宜居於楚之鄙鄙之人薰其德而善良者无算也於乎公岂三古下所数数覲哉

清附贡生世侄汤世晋顿首拜撰

族祖高觉公传

公讳高觉字习之号时斋余族祖也尝闻诸长老言公少而孤事母戴孺人能得其欢心与人诚不为翕翕热亦不为斩截崖岸之行自绳必以礼从不德言訾笑待子弟尤严整有过辄劻责之为人涓洁自好取诸人豪黍不苟常於道间拾遗金竟迹其人而还之公始不读书言行动合乎古暇日辄举前言往行道里人至胥焦吻渴初不知瘁又涂中石凝足虽事极冗迫必移置晋郑之间乃去家贫习农家言力治稼穡尝虞阙乏唯期取贍於勤俭至每书壁自警呜呼诚如是是亦足矣勤者所以厚其性也俭者所以养其廉也自来大学问真人品孰不由此况下焉者乎於戏今世之人喜多夫卓绝难行之事予雅不谓然如公者固非有卓绝难行之事而要为不可及公固非今世之人已公以清道光二十一年辛丑六月初六日戌时生寿七十有四妻何氏偕老子二贤标贤顺孙一继聃皆龟勉能敦所业

杨公选臣夫妇传

族侄孙继鹏谨撰

公杨氏讳高彦字硕德号选臣徽五公之子昆弟四公其季也生而颖异读书观大意不求甚解喜游览山水每藉酒以适其志脱然名利谓植德随分求吾心之安焉可耳性笃挚尝侍父母寝夜数起无懈容病则待汤药目昼夜不交睫人皆闵之而公僕僕然忘其僖也貌恇而语忠自绳必以礼从一愆言訾笑事有系夫纲常名教必竭力扶持不稍假借人有片善及称之子弟无亲疏诱导之藹如也光绪乙未大旱赤地千里户口流亡公输财购粟麦劝人播种醵金余一谷分平糶减糶恩给三等振之有某公者以行谊自高适与人争管沟洫相持不下公暗斥己资寢之比某公觉反金谢日吾过矣君诚长者也公日吾闻长者不欺吾欺公矣於是相与拊掌大笑佃人某家赤贫将鬻其子公日汝粗粮尚足食若债负吾为汝谋事遂止里有娼婴恶疾其夫令下堂公出钱为医治而愈得子数人至今孙曾辈犹感公德不忘地方犬牙纠纷得公居间立解或奖借人人皆喜自负其被叱辱者又凜凜然自惭无地也德配熊孺人慈惠婉婉德与公麗事

舅姑惟謹持家勤儉教子有方时值公酒醉尤能曲意承迎家廷虽肃未常闻诟谇声公清从九职以道光十四年甲午正月念五日申时生光绪九年癸未五月十三日巳时卒年五十岁葬夏源村青山坡从形家言艮山坤向孺人以道光十二年壬辰七月念日亥时生歿於光绪三十四年戊申二月二十八日亥时享寿七十有七岁葬夫墓左子二贤毅贤益孙四继鹤继鸚继鵬继鹄曾孙三辉僵辉懋辉瀚元孙光寓光宾光霞忠学殖浅不克阐扬隐德爰本先民既没德音犹存之意率笔记之以为之传

姻侄曾主忠敬撰

先太母事略

先太母汪太宜人庚戌年六月十六日生年十六来归事 大父墨林公 大母刘太宜人能曲尽其欢而不失於礼性勤敏遇事有识能断尤乐於急人之急 大父尝买油草冲田产方冬夜祁寒宾客麋集 宜人在抱儿右执炊指冷足僵杀鸡具酒食及罢东方白矣虽极劳倦无愠色里中人贫乏或病困不能自振潜使人馈以药石及钱米受惠者初不识所自来即久宜人亦不自言西源冲溪水径其中约三里许环聚而居者数十百家皆我族姓也常架木以通往来经年辄毁多病苦之有议建石桥以图久远者以费鉅而止

宜人闻之遽出其积年纺织所蓄无少吝为工斲石桥成而人便之至今犹称颂焉清光绪三十二年洪江会啸聚山林势张甚乡里岌岌多通贼以自保或劝府君自为计者宜人曰此鼠辈耳王师至种族矣慎毋诱於利劫於势而为先人羞府君乃谢遣之未几贼平朝廷名捕其党与诘误甚众咸惴惴而府君独无恙始服宜人之先人见甚愧耻之以为不及其平居也训子姓以礼遇仆隶以恩事女红常至夜分不息其过劳劝之少休则曰汝不闻敬姜云民劳则思思则善心生邪吾非不欲自逸雇恐其忘善耳府君凜然而退於乎是可见宜人之心矣宜人以民国甲子年六月二十三日歿年七十有五葬仙人岭距大父之卒二十九年生府君兄弟四人贤鸣贤求贤淑府君讳贤其季也女二长适谭光檀次适刘和轩孙男八人继同继坚继黄继懋继超继泌继身继辰世父均先宜人卒惟府君得侍养以终辰时年幼犹逮见其行事及所闻诸府君者如此谨撰次其略俾后世有所观览焉

族曾祖贤启公传

孙男继辰谨述

公讳贤启字敬承号道皆余族曾祖也甫卒生母刘孺人弃养惟继母彭孺人是依年未及纪慈父见背兄

第三公其仲也少读书甚聪颖塾师皆器之稍长理家政勤操持俭而约天性纯厚敬恭自处是以家室穆穆雄童仆雅敬惮之年十九与高茂公合建住屋於碧溪上段经之营之歲其事夙夜匪懈既乃慨然日君子所营必先寢庙乃商诸茂公裔以私宅厅堂合为群公茂公享堂以妥先灵理族务不少私时里有张姓者挖煤於南埠岭形家云此为祖坟要隘不宜伤公闻之出私山与之易而封其圻三修族谱时公亦有有力焉任团务公而直效鲁仲连之为人每遇纷难立其间事莫不寢学陶朱业聚利千金创业垂后勇於义周急济困出重资不吝閭里咸德之故至今犹有甘棠之遗爱也公生於清道光二十六年八月初六日歿於宣统三年七月二十四日子七继复继斗继敖继焕继瑚继瑗继儒孙曾未名公老每以兄弟早逝无后为念爰命次子斗为兄嗣以四子焕出继季弟以承宗祧霁幼时与公季子儒共砚席鲤对叨陪侧闻诗礼今几日耳犹能彷彿公之平生儿恚声音洪亮语言伉爽盖长也今之洗洗孙子家道咸享岂非公之餘庆也哉是为之传

善卿公传

族曾孙光霁谨撰

清附贡生杨公讳贤政字明德号善卿余从堂伯父也少聪颖好学能文尤喜体解民物性孝友慷慨多大

节事父母能竭其力自幼至垂老夢菱定省如一日归自外虽夜分必趋寝门问安否生平持躬严正而宅心甚恕众翕然敬之促膝者见公至皆欲容拱立候起居恭甚交友耻为翕翕热而遇缓急时坚仗义不少负里居民老且废乏资迫冻馁死公以时遗财帛酒脯各有差日父老良苦吾力薄未能遍覆若谨奉区区为若寿强饭幸自宽毋戚人繇是益德之甚至於教育育婴筹荒教灾诸善举乐倡之复出貲不少咨光绪乙未新建南团总局时公有声藉甚邑宰选於众委任國务裕仁肃礼持大纲不琐琐为苛察遇纠纷得公居间立解竟内大让公日此何足道吾亦不能之久处此矣丙午之役寇踞浏醴作乱诸荐绅家多被蹂躪事定隆治株连赖公缓颊全活无算且戒其子弟日创家園艰離然世亂民散窃钩者诛室仁者所乐闻愿博厚容物以安天命公之行谊既彰人情倾向三修家乘公董其役纲纲裘领釐然皆当公经理之事甚夥其用力至勤者如振兴五福祀成立荫远惜字等会及总管邑礼乐局与贤祠南敬学等不遗餘力无不至今利赖之既歿众咨嗟皆为隕涕公以道光二十五年乙巳七月初六日生卒於宣统三年辛亥十一月十七日寿六十有七配邱氏恭慎守礼法以贤闻子三继珩继与继琪孙四辉泰辉緘辉宏辉韵辉緘 毕业武昌大学有道而甚文曾元桓繁衍人以为盛德之报云 赞日予髫 年犹获瞻公丰采谦谦君子和藹可亲昔管幼安王彦方居乡里皆慈惠导人以礼节旷千百年矣而公复若是於戏公其古之知道者

从堂侄继鹏薰沐敬撰

先考贤性公传

先考讳贤性字以成号文光貌魁梧善骑射性磊落不矜细行甫冠失怙抚诸昆弟承欢膝下勤俭自矢奉养丰裕考兄弟五妹四友爱弥笃爽考居长不忍以琐屑事累诸弟故家政皆考独理之惟三叔贤象公幼多疾未娶早世命弟继典为其后光绪甲辰三修家乘考任督修以州同职赠封曾祖王父揆其意奉先启后兼筹之矣旋与堂伯敬承商将中庭营为群公茂公享堂考力任之始底於成考好朴实待人忠而恕见义勇为遇里党纷难尤竭力劝解里之人交口推誉之考声宏善饮其好客迨其至性也毕生早起精力过人至老犹健殷勤督子侄辈读善治永火科不受资胜王父遗风逮民国三年甲寅十月二十二日痰疾发逝世呜呼先考一生事夥不胜枚举述其大者泣为之传

子 继典 继箴

继笏 继笃 泣传

以成姑丈贊

性异颛蒙心秉公忠排纷解难周急济穷繁华不事林壑高风傍花随柳丽落行踪

前任新化县知事甘棠拜題

杨绍谦先生传

君讳贤益字绍谦浏南碧溪人也生有至性少孤居丧以毀闻事其母熊大君依依为孺子慕每告出反必趋母所问安否虽夜分未尝径就私室寢也宅心无町畦慨然以济物为务初读慧甚顾阔略不肯穿凿研章句日通经贵致用耳区区矜记诵为博士无谓也已闻范希文愿为良医之说大喜遂辍读肆力於医由长沙上逮灵素皆涉猎之术成求医者趾相错医辄洞要眇奇效凡医贫者却其發富室病已瘥或吝财薄於谢亦不较錙铢取盈日吾特怜其困拯之岂役三指攫人金哉里中有义举君闻必竭力助之日吾

贫非不知緘囊篋规自给念丈夫为天下用财耳第事成人得蒙其利何伤彼纨袴子燕游苞苴动费不訾吾固未能以彼而易此也君才艺多尝选举任乡团事甚称职顾非君所好寻弃去独颛笃守其业以医终既歿众咨嗟皆为陨涕子三继鹤继鹏继鹄继鹤传 君学有声继鹏亦佳士从余游

赞曰 君齿长於予辱折节与予交后以通家谊交益竺 君抱利泽民物之志温温无所试抑塞仅以医终未始不为 君惜而即其所设施人之受其赐者多矣彼名位高於君视民物之颠连疾苦漠然不动其心者其於为人之贤不肖何如邪

同里世愚弟汤昆拜撰

堂伯贤治公传

堂伯讳贤治号尽臣幼慧喜读性耿介不从流俗遇公事言侃侃待子侄辈色温而庄壮年作贾遍历汉津间苦风雨叹曰人生天地间如尘樓弱草博蝇头利无谓也遂归课读从游者莫不荷其薰陶逮至民国六年有张姓者盗开吾族封禁煤山 伯力拒之而叱其非讼於官置彼囹圄而族之 先灵亦赖以安光绪甲辰三修家乘 伯经理财政井井有条不少私众益誉之既而襄办团务黽勉自矢梓里安之建筑人和仓屋 伯为倡修从欣然日人和储积得所矣慰甚嗚呼伯考为族为国心乎碎矣兹逢我族四修家乘故为

文以传之

赞日稟性和平虚怀若谷孝友於家诗书喜读绛帐高悬群彦作育凡诸义举为之必速排难解纷和邻睦族果断无私片言群服素厌纷华怡情花木厥后克昌兰馨桂馥

堂侄继典敬传

先王父贤耀公事略

王父贤耀公字星堂貌肃而沕穆粹意豁如也好读书家藏卷帙丹铅殆徧善书法严於矩矱居恒慕郭子横之为人遇里闾繆羯觥觥焉片言而决晚岁见世道陵夷群相轧轹尝作而日漆园谓人心险於山川信然公自奉俭约善治生产今七星岭田卢盖积金所置也孙髫龄时从公受书执经问字训释綦详暇辄举出处语默之旨以为戒其言约而醇殆扬子云所云縵中彪外者也公寿六十有九歿於民国癸亥秋七月於戏古

道炤然德音緬矣谨遵父命志

公言行示旨敢忘时民国三十二年癸未秋

公歿后二十年矣孙辉长谨述

伯考子耘公传

二伯讳贤农字子耘幼多疾 祖母钟爱之性慧好读精书法篆隶尤佳以科场久困设帐梓里循循善诱桃李满门垂三十餘年伯尚朴质不喜浮华爱藏书不谙治生产故其毕生清风两袖晏如也光绪庚子

祖母逝世 伯考哀痛如礼寝苦枕块晨昏必泣服经素食杜门三载甲辰族议重修家乘伯任编修以

儒公裔远徙观往江华考其支派间关千里弥月始返惟未竟厥功引为憾事也戊自 先父议立王父寝

庙 伯鼎力赞襄底於成当慨然日先泽长流书香远绍此吾之风愿也汝曹志之其勿忘 伯考春秋既高

怡情花木雅好清谈尤喜宾客客至必留饮洗爵治具应接如环戚友咸誉之有北海餘风年六十三病

复发溘然长逝侄承 伯训厕身士林有负 伯望多矣兹逢我族四修家乘侄亦滥竽编末追维往

昔故为之文以传焉

侄继典敬传

子耘先生赞

笑谈风月肥遯林泉性天耿介心地公平一门纲纪张理分明泰山乔岳子姓仪型

前任新化县知事甘棠拜题

杨母熊孺人传

旌表节孝杨母熊孺人邑庠生熊公明吉之女儒士杨公贤珍之配也毓自名门娴女训得父母欢心年十九于归以不及事舅姑为憾岁时祭祀极其诚洁无间初终敬夫如宾年二十二珍公歿孺人恻不欲生惟以夫祀无人重宗祧大义矢之死靡他时夫弟贤达甫七龄孺人谨待之达亦深知敬畏进见必整冠惟外政难以操持姑弟黎志澡先生老成名宿孺人延之为夫弟师课读之余兼预宾容孺人亦获於纺织暇问字执经以故论孟诗礼女诫诸书无不读处身御下彬彬以礼法自持孺人自励若冰雪人视孺人

如秋霜嗣夫弟娶彭氏浦孺夫色喜曰吾夫祀有承吾亦自此不孤矣越岁妣氏彭又失所天由是妯娌青
年冰霜素守松筠节金石同心次年始抚夫堂兄贤佐之子继美为嗣 孺人以母道兼父道围炉昼菽课
读和丸为美择张公立圭女为室生二子一女歿焉美继娶陈氏 孺人三孙辉宝陈出也美不永年其长
子亦相继而逝孺人泫然流涕曰吾妯娌茹苦含辛原期子孙林立娱暮景於桑苍苍者天胡困我若斯耶
乃命三孙为彭孺人孙严课次孙读负笈从师兼程不惮或换簪备俸或示警断机有古贤母风尝慨然曰
富贵福泽厚吾生也贫贱忧戚玉汝成也天能屯我以境遇天不能易我以操存汝兄弟倘能读书成名光
前裕后固为幸事否则亦不失为明理君子 孺人以道光乙未生现年六十有五光绪十三年长沙府学教
谕祝采访懿行详请湖南抚宪下题奏旌表一门双节 孺人子继美与侄继洵建节孝祠以荣之因修家乘
孺人命观颐纪颠末观颐添居外侄幼 随吾母侍孺人深知 孺人之节贞并悉 孺人之心苦不敢以不
敏辞其佳言懿德指不胜屈异日哲孙播之阡表当与沈冈异世同芳也谨传之赞曰
夫物畜而后亨抑积久而弥光苟非历冰雪之寒慄何以显松柏之苍苍 孺人饮冰茹蘖以节成孝既绵夫
之祀实足以维宇宙之纲常 孺人之节虽苦 孺人之节愈芳易日安节吉甘节亨
孺人苦节而安处之自必康强逢吉眉寿无疆

外侄彭观颐拜撰

杨母彭孺人传

旌表节孝杨母彭孺人邑南国学生彭公昌炳之长女儒士杨公贤达之配也生而贞静工纺织寡笑言年十八始于归琴瑟静好相敬如宾时舅姑已故孺人事伯姒熊孺人如姊熊孺人亦视孺人如妹妯娌相得益欢未逾年孺人恸失所天辟踊号泣以死誓之水浆不入口者数日惟以夫祀无人须臾忍死乃与熊孺人识字读书持筹握算勾当家政内外肃严一言一行动以古贤女为则读论孟诗书烈女传诸书恒冻月高而机声未息晓星明而手卷才抛有讽以改节者孺人怒形於色斥曰妇人之义从一而终吾岂为此苟贱行及吾夫於地下耶且吾舅姑早逝吾夫兄不克永年今吾夫又同归泉壤伯姒茹荼为宗祀故吾亦人情安敢稍移铁心言讫泪下掷筯碎地大号日筯可合吾节终不可改嗣是无敢言者孺人冰雪之操益加严焉非至戚不通音问妇人有遗行者恒峻拒之不得一见自奉俭约而性好施与常分多以润里邻之乏者守节十年始抚族侄继洵为嗣时洵在襁褓孺人抚鞠勤劬备尝艰苦甫数龄为择堂弟武庠师和之女为室爰色喜日此差足慰吾夫於九泉也越七年孺人以忧郁成疾迨弥留含涕日吾死得所矣恨未

抚孤成立终以累吾伯妣耳虽然伯妣诚贤吾子妇均幼伯妣为吾善抚之吾受赐而死三月初七 孺人正色歿焉歿之日悼其节者甚众光绪十三年长沙府学教谕祝采访懿行详请湖南巡抚部院下题奏族表一门双节 孺人子继洵与熊孺人子继美合建节孝祠彰之 嗣洵妻彭氏歿洵亦相继而逝熊孺人命三孙辉宝为洵后 孺人生於道光丁未歿於光绪庚辰年三十有四观頤於 孺人为从堂姑母 孺人之夫又为观頤之母舅故知 孺人节为最悉也爰纪其生平以传之赞曰 不易立者地之维不可磨者人之纲惟忠臣孝子义夫节妇足以扶两间之正气而共振其纲常孺人心如金石节若冰霜守夫之志卒能存夫之蒸尝既百折而不回亦历久而弥光百世之后人犹慕其芬芳 孺人虽死夫何伤

侄彭观頤拜撰

曾祖母述

曾祖妣刘老安人系大瑶友恭公之女也年二十来归 曾祖父性温柔貌庄肃事舅姑孝相夫子顺执女江勤谨不稍怠待奴僕以恩故人皆敬之青年矢志苦节操严若冰霜闾里称之闻於朝 锡以旌表节孝匾额事实采登邑乘年七十四而歿方 安人之疾也光霁时髻龄先父母见 安人病且笃尝背立床侧泪潺潺下适 安人见之日无伤呼光霁及长兄光英季弟光雯日汝来前吾语汝我生不辰汝 曾祖中道弃余即

欲追随地下时汝方四岁呱呱待哺一旦死绝生人祀罪孰甚焉是以苦节抚孤谁意大上无情待其成不录仅生二女又欲一死回忆高堂舅老侍奉无人死亦不孝也且先人遗绪他人是宝父母堆垆安知其不穴藏狐貉邪乃抚汝父以承裡祀奉先舅终其身幸汝父母纯淑听训无违今汝辈林立吾愿足矣地下遇先人无愧也汝等当孝事父母无遗父母忧余所望也勉之又日人生生死天道轮回死又何伤我死无厚我殓既歿如其言先考出篋笥物示霁等曰此安人嫁衣裳也色犹新数十年斗室孤坐裙布荆钗未常与燕饮每见班班泪痕常滋枕席间噫安人之苦可知矣且吾家之有今日皆安人之力也霁常读古人节烈传敏羨其立志坚若金石惟安人殆其俦次於乎安人歿几年矣言犹在耳事岂忘心霁不肖不能阐扬安人之贞操亮懿德谨述辜榘载诸家乘庶节终古长馨矣

曾孙光霁谨述

先妣事略

先妣张孺人浏南荆坪立暉公之女性仁慈娴礼教外祖父母雅钟爱之岁归嫔孝顺能得舅姑欢心相先府君和以敬接先后恩礼备至门以内诉诉如也先君通於医远近延诊因无内顾忧得扬抑一切为诊治尽意孺人内而纺织外而应对宾客祭祀必中礼迨鹏昆弟相继以生教读婚配咸躬亲之難苦迴绝平日

治家俭约不忍妄费一钱洞里人困乏者岁时伏腊必馈遗遇疾病或携药物疗之不吝珍奇常值清夜孺人倚廉帷坐鹏侍侧孺人念住事喟然叹曰汝辈得有今日幸也汝世父蚤世汝父子立无昆季汝祖没时汝父弱冠少孤外侮叠乘搆讼数年事逆寢息然已妄耗多金汝父不得已弃学业医自是家式微几荡然矣汝父拮据劬瘁积十数年始复振焉又曰汝祖故居碧溪杨家坳后乃徙此汝辈今日宅尔宅田尔田优游仰事俯畜得以遂其生而蒙其利者皆先人赐也其又可忘邪鹏泣而志之不敢忘晚年稍饶裕孺人勤俭自若日人生在勤勤则不匮劳则思思则善心生天命靡常俭薄所以处患难也又曰天之生材必使有用邓仲华有子十三人各使守一艺吾虽一妇人窃仰慕之汝辈幸自立儆得人人有业吾愿足矣孺人以清同治二年癸亥正月十二日巳时生卒於民国九年庚申八月初三日亥时年五十八岁於戏孺人歿逮今二十四年矣鹏无类未能立功业尉孺人地下面遗德懿行遏抑令后泯泯然兹益罪矣今四修族谱鹏添编修谨追述一二登诸谱牒俾后之人有所考云

外姑杨节母晏夫人事略

男继鹏谨识

夫人名洪生前清上犹县知县晏公益吾外祖第三女也年二十于归外舅武都骑尉杨公贤淑事舅姑以孝闻相夫子黻佩相将敬戒无违光绪庚子武都公歿矢志守节仅生有二女长次适黄立梯乃以夫兄子继坚为嗣适启基民国初元政府提倡女学夫人遂肄业湖南涵德女子学校毕业后充长沙各校教员有年善诱循循至今脍炙人口十四年里人以懿行堪嘉呈请

内务部核准奖给黄红白绶银质褒章并颁题楔文日席草流芳越明年

大总统特予褒嘉同时

湘政府锡以节劲松筠匾额夫人今春秋六十有四精神强固有如少壮漆前诸孙长辉鏢已克自树立次皆头角峥嵘允为不凡之器论者谓天之报施不爽门祚昌隆盖於是卜之矣

时

中华民国二十四年乙亥孟春月谷旦

恭录

子婿邓启基顿首拜撰

大总统褒状

大总统题褒日侍葛妙真之疾慷慨而产弃千金通巴怀清之财规耀而台封百尺完人属於巾帼矜式徧乎闺门尔湖南浏阳杨贤淑之妻晏氏妇事咸修女宗所仰孝经一部得陈妻之薪传周礼六官坐韦母之纱障昂斛散荀夫人之粟拯灾卹隣秉荻昼郑太君之灰知书课子如此行状允矣褒扬於戏礼修引过中壘传其高风义行旌罄东鲁钦其茂烈畀以楔字光乃

门望

中华民国十五年五月



席草流芳

恭 录

内务部褒字第貳零叁号褒章证书

内 务 部 为

发给证书事查杨晏氏系湖南省浏阳县人

经本部审查事状核与褒扬条例第一条第一五七款之行谊相符除呈准奖给
黄红白绶银质褒章外合行发给证书以资证明此证

右证书给杨晏氏收执

中 华 民 国 十 四 年 十 二 月 日

大总统题褒

匾额系红綾蓝边墨书



芳流草席

杨晏氏

中华国民十五年五月

恭录

内务部修正褒扬条例

第一条 合於左列各款之一者由内务部呈请褒扬之

- 一 孝行纯笃
- 二 特著义行
- 三 尽心公益
- 四 有功艺术
- 五 硕德淑行
- 六 睦姻任卹
- 七 年登百岁
- 八 节烈妇女

先考事略

先考讳继正字寅皆号履元府君生於清同治八年正月二十四日府君少读书甚聪颖鸡群独立塾师皆器重之长常语人曰古人云创业难守成亦不易埋头砚席间无谓也遂弃儒从管鲍游家道小康民国纪元间任汉冶萍锰矿驻耒局长颇得当道称许好岐黄术饮上池水见垣一方日丈夫贵济物耳廉不受资起沉痾数而也性孝每昼出姬夜分必归归必至寝门间安否先祖父母不乐则效莱子之行以娱之甚得欢心先祖父母有疾府君侍汤药衣不解带终其身居丧尽礼未常见齿於乎极不肖於府君事仅辜权志之示不忘也

刘氏烈传

男辉极谨志

烈妇刘孺人浏南碧溪同宗继潜妻也性婉婉闲礼则卓卓慕古烈女行年十九晕继潜潜祖母春秋高承

顺能得其欢心姑先卒事舅孝弟姒之间诉诉如也家大小贤孺人啧啧孺人歉然不自足日吾所为特常道耳及期潜病瘵孺人侍汤药谨目昼夜无交睫数月潜病笃时怜妻少且无子难为终守计孺人沥心矢不独生潜目瞑孺人哭之痛气绝寻苏者数屏水浆不入口人亦无忍强进之已而若梦若癡坐卧间恍忽如见夫状间指示人为证据意其魂从夫去也哀毁七十日踵潜卒卒后邑远近闻者泪无不涔涔下噫烈矣同治十二年癸酉撫其事登邑乘旋請於朝得旌表如例礼也荣拜谒詣祠宗兄子耘將孺人事屬予为传然孺人事夥他琐屑事不讲述述其大者

贊日末世士大夫薄儿女子事不足数考其迹时或下儿女子万万岂知贞妇殉夫固与忠臣殉君无二敘哉若孺人之慷慨就决精通鬼神虽与月日争光可也何意於巾幗中潮之耶

清恩科举人諫选知县萍北同宗荣荫拜撰

先考事略

先考讳辉璋字载圭号华铨府君性静溢渊膚有远略少就傳读聰慧拔出其曹塾师皆深器之屢试有司

不售人多为府君扼腕而府君顾夷然日读书非为功名计也已理族事族中称其廉平三修族谱时府君曾任填麓昕夕校讎不少倦民国肇造府君遂肄业於长沙师范学校毕业后历任高初小学教员完都人士僉称府君循循善诱莘莘学子荷厥薰陶者夥矣阳九之厄寇燄鸣张府君几罹不测流离颠沛精力耗又度时项洞天下无复可为遂慨然有赋厥遂初之志尝语淙及诸叔辈云吾平生耻作部学究每振厉思建功业於当世今老且病无望矣然既服儒服齿士林要当随其分以尽其力之所能及汉末管寧王彦方其遗则也今岁四修家乘府君复从事焉谱牒未歲而疾已作矣旋瘥旋剧遂以不起此府君之隐恨也恸哉府君以清光绪五年己卯十一月初九日卯时生歿于民国三十二年癸未十月十五日子时年六十有五配先妣李孺人先府君卒呜呼淙无状於府君之言行昧略未有记兹所特其辜權耳

男光淙谨志

先考事略

先考讳垣字子钦府君貌严肃恭而有礼天性恂朴待宾客一以诚意接之以故远近之造其门者趾相接

也乐善好施凶年糗尽其储不足则余而糗之至於修桥路济贫困孜孜焉惟恐不及年十九 王母弃养事曾祖母甚孝出告反面朝夕待奉左右无违曾祖母病足疾不利於行 府君及先妣扶持抑搔之甚能得其欢心 曾祖母病且笃府君侍汤药衣不解带者数月既歿执丧尽礼霁时虽幼见 府君哀亦知从旁泣 府君生平之行谊率类此也光霁不肖於 府君事未能缕述仅辜权举 一二载诸家乘俾后之人有所则云

男光霁谨志

先妣事略

先妣陶孺人清光绪三年丁丑十一月二十二日生年十九来归府君逾年生长兄光英越三年生光霁厥后季弟光雯生 孺人甚爱之霁生之二年 王母弃养维 曾祖母在堂病足疾不能行 孺人侍奉无违甚

得曾祖母欢心 曾祖母病且笃 岁己酉 孺人侍奉益谨汤药必亲自尝之 曾祖母不食 孺人亦不食 既歿哀恻逾恒 终其丧未尝见齿霁 时虽幼犹及见之 助先君操持夙夜辛勤无倦色 内政井井皆其力也 孺人乐善道路之废疾饿者出钱谷与之 至於育婴孩修桥路虽先君外出欣欣然斥重资不吝以故皆称其贤 外祖讳久芸世居陶家段 外祖母杨孺人即 曾祖母之次女也 口吃不能言 孺人生数岁外祖弃世外祖母随妯娌居 孺人来归后迎外祖母奉之终其身 事诸叔父母若父母然 故诸舅皆敬事孺人 孺人亦待之甚恭 寿六十一

民国二十七年戊寅十一月二十八日歿 其生平懿行彷彿一二 餘则茫然矣 於乎人皆有母 今我独无 痛哉